

JANNAT ME LE JAANE VAALE BAAZ AAMAAL, JAHANNAM ME LE JAANE VAALE BAAZ AAMAAL

Disclaimer:

Arshad Basheer madani ke urdu books ko Roman English mai lane wale ahabab Mubarakbadi ke mustahiq hai ke unoun ne asan kia urdu reading Na janne Waloun ke liye

الحمد لله

فجزاكم الله خيرا

Note : arshad basheer madani ne Word to Word check nahi kia Kiunke bohot books ko roman Kia gaya un sab ko Check karna asan nahi, time ka commitment deegar Urdu books Aur syllabus par laga huva hai is liye badi mazirat ke sat arz hai ke jahan kahin apko pronounciation ya talaffuz mai Diqqat lage Urdu Janne Waloun se asal Kitab ki taraf rujoo farmaen in sha Allaah in sha Allaaah

Askislampedia ki Team ka shukriya ke Roman mai book lane mai madad faramee

Khas tour se

Riaz bhai , shaikh abdullah Umeri, faheem iqbal , Mushtaq ahmed Aur baz sisters bhi hain jo madad kie Aur kuch brothers bhi madad kie Likin ijazat nahi hai ke unka naam zikr Kia jae Allaah qabool farmae sab ki mahant

Ameen

Shukriya

Shoba e nashro ishaat,

Askislampedia

1. JANNAT ME LE JAANE VAALE BAAZ AAMAAL
2. JAHANNAM ME LE JAANE VAALE BAAZ AAMAAL

1. JANNAT ME LE JAANE VAALE BAAZ AAMAAL

1. Eemaan aur amal saaleh.

Farmaan Baari Taala hai : Aur jo log eemaan laaye aur nek kaam kare vo jannati hai jo Jannat me hamesha rahenge. (Al Baqarah : 82)

Neez farmaaya : Jo log eemaan laaye aur unhone kaam bhi achche kiye yaqeenan unke liye al firdous ke baaghaat ki mehmaani hai.(Al Kahaf : 107)

2. Taqwa aur Parhezgaari

Farmaan Baari Taala hai : Aur apne Rab ki bakhshish ki taraf aur us jannat ki taraf doudo jiska arz aasmaano aur zameen ke baraabar hai, jo parhezgaaro ke liye tayaar ki gayi hai. Aale Imran : 133)

Neez farmaaya : Parhezgaar jannati log baagho aur chashmo me honge. (Al Hijar : 45)

Abu Huraira Raziallaahuanhu nabi ﷺ se bayaan karte hai ke aap se Jannat me sab se zyada daakhil karne vaale aamaal ke baare me poocha gaya, to Aap ﷺ ne farmaya : Taqwa (Allah ka dar) aur achche aqlaaq, fir Aap ﷺ se jahannam me sab se zyaada daakhil karne vaali ashya ke baare me poocha gaya, to aap ne farmaya : zabaan aur sharm gaah. (Sunan Tirmizi : 2004)

3. Allah aur uske Rasool ﷺ ki itaat aur farmaabardaari

Farmaan Baari Taala hai : Jo koyi Allah aur uske Rasool ﷺ ki farmaabardaari kare use Allah aisi jannato me daakhil karega jiske (daraqto) tale nahre jaari hai aur jo muh fer le use dardnaak azaab (ki saza) dega. (Al Fatah : 17)

Abu Hurairah Raziallaahuanhu se rivaayat hai ke Rasoolullah ﷺ ne farmaaya : Saari ummat Jannat me jaayegi sivaaye unke jinhone inkaar kiya, Sahaba ne arz kiya, Ya rasoolullaah ! Inkaar koun karega? Farmaaya ke, Jo meri itaat karega vo Jannat me daakhil aur jo meri naa farmaani karega usne inkaar kiya. (Sahih Bukhari : 7280)

4. Allah ke raaste me jhaad karna

Farmaan Baari Taala hai : Bila shuba Allah Taala ne musalmaano se unki jaano ko aur unke maalo ko is baat ke arz me khareed liya hai ke unko Jannat milegi. Vo log Allah ki raah me ladte hai jisme qatl karte hai aur qatal kiye jaate hai, is par sachcha vaada kiya gaya hai Touraat me aur Injeel me aur Quraan me aur Allah se zyaada apne ahad ko koun poora karne vaala hai, to tum log apni is bai par jiska tumne maamla thaharaya hai khushi manavo, aur ye badi kaamyabi hai. (At Touba : 111)

Neez farmaaya : Aye eemaan vaalo ! Kya mai tumhe vo tijaarat batla doo jo tumhe dardnaak azaab se bacha le? Allah Taala par aur uske Rasool par eemaan laavo, aur Allah ki raah me apne maal aur apni jaano se jihaad karo. Ye tumhare liye behtar hai agar tum me ilm ho, Allah taala tumhaare gunaah maaf farma dega aur tumhe un jannato me pahuchaayega, jin ke neechे nahre jaari hogi aur saaf suthre gharo me jo Jannat adn me honge, ye bahut badi kaamyabi hai. (As saf : 10-12)

5. Allah taala ke deen par isteqaamat

Farmaan Baari taala hai : Beshak jin logo ne kaha ke hamara Rab Allah hai, fir us par jame rahe to un par na to koyi khouf hoga aur na ghamgeen honge, ye to ahle Jannat hai jo sadaa usi me rahenge, un aamaal ke badle jo vo kaha karte the. (Al Ahqaaf : 13,14)

Sufyan bin Abdullah saqfi raziallaahuanhu se rivayat hai ke mai ne arz kiya, aye Allah ke Rasool ﷺ mujhe islam me ek aisi baat bata deejiye ke fir mai isko aap ﷺ ke baad kisi se na poochoo (Abu Usama ki hadees me hai ke aap ﷺ ke alaava kisi se), Aap ﷺ ne farmaaya : To kah mai eemaan laaya Allah par fir data raha (isteqaamat iqtiyaar ki). (Sahi Muslim : 38)

2. JAHANNAM ME LE JAANE VAALE BAAZ AAMAAL

1. Allah Taala ke saath shirk karna

Farmaan Baari Taala hai : Yaqeenan Allah taala apne saath shirk kiye jaane ko nahi bakhshata aur uske siva jise chaahe baksh deta hai. Aur jo Allah taala ke saath shareek muqarrar kare usne bahut bada gunaah aur buhtaan bandha. (An Nisa : 48)

2. Namaaz ka chodna

Farmaan Baari taala hai : Ke vo **bahishto** me (baithe huye) gunaah gaaro se savaal karte honge tumhe dozakh me kis cheez ne daala hai, vo javaab denge ke, ham namazi na the. (Al Mudassir : 40-43)

3. Sood lene, dene, likhne aur gawaah banne vaala

Farmaan Baari taala hai : Sood khor log na khade honge magar is tarah vo khada hota hai jaise shaitaan choo kar **qabti** bana de, ye is liye ke ye kaha karte the ke tijaarat bhi to sood hi ki tarah hai, haalaan ke Allah taala ne tijaarat ko halaal kiya aur sood ko haraam, jo shakhs apne paas aayi huyi Allah taala ki naseehat sunkar ruk gaya, iske liye vo hai jo guzra aur uska maamla Allah taala ki taraf hai, aur jo

fir dobara (haraam ki taraf) louta, jahannami hai, aise log hamesha hi usme rahenge. (Al Baqarah : 275)

4. Paak daaman aurat par tohmat lagaana

Farmaan Baari taala hai : Jo log paak daaman bholi bhaali ba eemaan aurato par tohmat lagaate hai vo duniya va aakhirat me mal'oon hai aur unke liye bada bhaari azaab hai, jab ke unke muqaable me unki zabaane aur unke haat paav unke aamaal ki gavaahi denge. (Al Noor : 23-24)

5. Faisle me Allah ka khaanoon na lena

Farmaan Baari taala hai : Jo log Allah ke naazil karda khaanoon ke mutaabiq faisla na kare vahi kaafir hai. (Al Maayida : 44)